

醫燈續焰卷五

錢塘後學潘 楫碩甫註

同邑社盟王佑賢聖翼評

門人

朱之棟革斯

校

徐 捷子先

痰病脉證第四十二

滑主多痰。弦主畱飲。熱則滑數。寒則弦緊。浮滑兼風。
沉滑兼氣。食傷短疾。濕畱濡細。

病有氣機脉
有氣機識得
個中妙理未
來證狀自可
逆料

滑爲水物兼有之象。主多痰者。以痰爲飲結成形

故也。弦則弦直而歛。不能抑揚鼓蕩。是陽運之力

薄。故飲雷焉。

宜和劑倍术丸苓
桂术甘湯之類

以飲較痰。尚未結

聚。所以弦不似滑之纍纍替替有物形也。大約氣

機鼓動屬熱。滑數是已。歛束屬寒。弦緊是已。鼓動

浮越。風之象也。故浮滑者兼風。

宜青州白丸子法
製半夏清心牛黃

丸沉香墮痰丸清
氣化痰丸之類

動疾沉下。氣之鬱也。故動滑者

兼氣。停食于中。則氣爲食礙。不能透達。脉爲之短

短則氣遏于內。勢反成疾。短疾之脉。與滑近似。故

滑亦主食也。

宜丹溪保和丸之類

濕爲陰邪。畱必緩滲。非若

陽邪之變動迅疾。故脉亦濡細耳。

宜仲景澤瀉湯之類

附方

和劑倍术丸

見第二十二

仲景苓桂术甘湯

見第十六

和劑青州白丸子 治男婦手足癱瘓。風痰壅盛。

嘔吐涎沫。及小兒驚風。婦人血風。

半夏

生七兩
水浸洗

南星

生三兩

白附子

生二兩

川烏

生半兩
去皮劑

右爲末。以生絹袋盛。於井花水內擺出。如未出者。更以手揉出。如有滓。更研再入絹袋。擺盡爲度。置磁盆中。日晒夜露。至曉撇去舊水。別用井水攪。又晒至來日早。再換新水。攪如此法。春五日。夏三日。秋七日。冬十日。去水晒乾。後如玉片研細。以糯米粉煎粥清丸。菜豆大。薑湯下二十

佐賢曰人身
運用全在脾
肺宣布倘氣
不前通便爲
痰滯半夏爲
轉樞之要藥
假令痰氣自
清則嘔酸喘
悶不足慮也

丸。無時。如癰瘕風。溫酒下。小兒驚風。薄荷

湯下五丸。

法製半夏 治一切痰嗽。或嘔吐冷飲酸水。風痰

痰癖。胸膈否悶。喘促等證。

半夏

揀大者五斤

明礬

一斤四兩搗碎

生薑

一斤四兩搗碎

右三味。用泉水共浸七日。擦去半夏皮。加朴硝

二斤八兩。換水浸七日。加猪牙皂角切片一斤

四兩。浸七日。此後用泉水。每日一換。至四十九

佑賢曰此丸
爲世所重然
必藥品精新
修製如法方
効

日。撈起晒乾爲末。每用二錢。煎蘿蔔湯調下。小兒諒減之。

和劑清心牛黃丸 治諸風緩縱不隨。語言蹇澁。

心怔健忘。恍惚去來。頭目眩冒。胸中煩鬱。痰涎

壅塞。精神昏憤。又治心氣不足。神志不定。驚恐

悲憂。虛煩少睡。喜怒無時。或發狂顛。神情昏亂

白芍藥

麥門冬

去心

黃芩

當歸

去苗

防風

去苗

白朮

各一兩半

柴胡

桔梗

芎藭

白茯苓

去皮

杏仁

去皮尖雙仁麩炒黃
別研各一兩二錢半

神麴

研

蒲黃

炒

人參

去蘆各
二兩半

羚羊角

屑

麝香

研

龍腦

研各
一兩

肉桂

去粗皮

大豆黃卷

碎炒

阿膠

碎炒各一
兩七錢半

白欬

乾薑

炮各七
錢半

牛黃

研一兩
二錢

犀角

屑二兩

雄黃

研飛
八錢

乾山藥

七兩

甘草

剉炒
五兩

金箔

一千二百片內
四百片為衣

大棗

一百枚蒸熟去皮核研成膏

右除棗杏仁金箔二角屑及牛黃雄黃腦麝外共爲細末入餘藥和勻用煉蜜與棗膏爲丸每兩作十丸金箔爲衣每服一丸溫水化下食後服小兒驚癇酌量多少竹葉湯化下

沉香墮痰丸 治宿食不消咽膈不利欬嗽痰涎頭目昏暈嘔逆惡心胸膈不快

沉香

木香

各二錢

青皮

去白二錢半

半夏麴

二兩

檳榔

大者三枚用麴裏煨熟

右爲細末用生薑汁浸蒸餅爲丸如小菉豆大每服二十丸不拘時薑湯下

清氣化痰丸

順氣快脾化痰消食

半夏

南星

去皮臍

皂角

切

白礬

乾薑

各四兩

右先將白礬等三味用清水五碗煎取水三碗却入半夏二味浸兩日再煮至半夏南星無白

點爲度。晒乾。

青皮

去穢

陳皮

真蘇子

炒

蘿蔔子

炒另研

杏仁

去皮尖炒研

葛根

神麴

炒

麥蘖

炒焦

山查

去核

香附

各二兩

右爲末。蒸餅丸。桐子大。每服五七十丸。臨卧食

後茶湯下。

丹溪保和丸

見第十七

仲景澤瀉湯

見第二十二

瘧疾脉證第四十三

瘧脉自弦。弦數者熱。弦遲者寒。代散者折。

瘧病樞機故
開闔互見久
則樞廢機弛
致元氣大泄

素問瘧論曰。夫瘧瘧皆生于風。蓋風屬木而應春。

弦是其本脉。生于風。則象風。故脉自弦。又瘧之作也。邪正交爭。或寒而熱。熱而寒。寒熱往來。正邪出入。樞主于中。經云少陽爲樞。少陽亦應乎春。故脉亦當弦。弦而兼數。數爲熱。是知瘧之多熱也。

多熱多汗

代散兼見立
至危敗矣

宜小柴胡湯或加知母石膏黃連之類甚
則渴欲冷飲脉數大者宜白虎湯之類
弦而兼

遲遲爲寒是知瘧之多寒也。熱少寒多甚或厥冷

胡白朮草果之類雖附子亦不妨用但宜細審其證則百發百中矣若代止而又散

乃正氣虛脫不續不飲之象邪盛正衰定主凶折

此屬危殆之證若欲用藥非大補氣血如參
耆炙甘草附薑桂之類不能挽回于萬一者

附方

仲景小柴胡湯 傷寒論云傷寒五六日中風往

來寒熱胸脇苦滿默默不欲飲食心煩喜嘔或

佑賢曰邪在表則陽虛而惡寒邪在裏則陰虛而發熱今半表半裏故寒熱往來乃少陽之樞象也故用柴胡入少陽引清氣而為君用芩薑解寒熱而為臣參朮養正大棗助經為佐也半夏之使何以倍之蓋

胸中煩而不嘔。或渴。或腹中痛。或脇下痞鞭。或心下悸。小便不利。或不渴。身有微熱。或欬者。小柴胡湯主之。此半表半裏寒熱往來之藥也。今用治瘧之寒熱往來者皆効。

柴胡

半斤

黃芩

人參

甘草

炙

生薑

各三兩

半夏

半斤

大棗

十二枚

右七味。以水一斗二升。煮取六升。去滓。再煎取

以半夏爲樞
機之要藥耳
觀後種之加
減以樞無定
象出入難遷
治亦相機爲
法也

三升。溫服一升。日三服。若胸中煩而不嘔者。去
半夏。人參。加栝蒌實一枚。若渴者。去半夏。加人
參。合前成四兩半。加栝蒌根四兩。若腹中痛者。
去黃芩。加芍藥三兩。若脇下痞鞭。去大棗。加牡
蠣四兩。若心下悸。小便不利者。去黃芩。加茯苓
四兩。若不渴。外有微熱者。去人參。加桂枝三兩。
溫覆取微汗愈。若欬者。去人參。大棗。生薑。加五
味子半升。乾薑三兩。

仲景白虎湯

加人參名人參白虎湯

傷寒論云。傷寒脈浮

滑。此表有熱。裏有寒。白虎湯主之。又云吐下後

七八日不解。熱結在裏。表裏俱熱。時時惡風。大

渴。舌上乾燥而煩。欲飲水數升者。白虎加人參

湯主之。大抵表裏皆熱。在表多汗。非閉鬱之熱。

在裏渴煩。非入府堅實之熱。轉夏爲秋之劑也。

知母

六兩

石膏

一斤

甘草

炙二兩

粳米

六合

右四味。以水一斗。煮米熟湯成。去滓。溫服一升。

日三。

洩瀉脈證第四十四

洩瀉下利。沉小滑弱。實大浮洪。發熱則惡。

瀉痢見于下部。時時唯出。無論因之内外。總屬傷

陰耗裏之虛證。沉小滑弱。乃爲相宜。滑乃有餘。似乎相反。然喜

其有水液而不因瀉痢枯涸耳。大約宜五苓散。平胃散。東垣升陽除濕湯。理中湯。五味子散。四神丸。

七味白朮散。痢則芍藥湯。香連丸。益元散。敗毒散。東垣芍藥黃芩湯。和劑真人養藏湯。金匱桃花湯。

渴痢爲裏證
經云出則爲
虛脈宜沉弱
卽前所謂脈
證相宜反是
則惡